

國風八之十

野至飽有若葉



白雲書庫

六家詩名物疏卷八

上海圖書館藏

海虞馮復京嗣宗輯著

國風召南四

野有死麇篇

野

爾雅云。邑外謂之郊。郊外謂之牧。牧外謂之野。疏云。以細別言之。則郊外之地名牧。牧外之地名野。若大判而言。則野者郊外總名。故周禮六遂在遠郊之外。遂人職云。凡治野田。是郊外之地。揔稱野。

麋音栗
麋音助

麋

爾雅云。麋。牡麋。牝麋。其子麋。其迹解。絕有力。研。郭璞云。詩曰。鹿鹿麋麋。鄭康成注。即謂此也。但重言耳。○說文云。麋。麋也。○埤雅云。齊人謂麋謂麋。麋如小鹿而美。故从章。章。美也。語曰。四足之美有鹿。鹿即麋也。或曰。麋性善驚。故从章。蓋麋鹿皆健駭。而麋性膽尤怯。飲水見影輒奔。道書曰。麋鹿無魂。又曰。麋鹿白膽善怖。為是故也。麋性喜山。善聚善散。故從困。困。聚也。亦散也。○雅翼云。麋極能走。然

麋音見

未及鹿。有牙者。有無牙者。大者不過三二十斤。老則牙見於外。淮人謂之牙麋。○本草圖經云。大麋毛長狗足者名麋。○春秋運斗樞云。樞星散為麋。○崔豹古今注云。鹿有角而不能觸。麋有牙而不能噬。○呂氏春秋云。使麋疾走。馬弗及也。而得之者。時顧也。

白

說文云。西方色也。陰用事。物色白。○釋名云。白。啓也。如冰啓時色。

茅

邀音速

爾雅云。越。牡茅也。○陸疏云。白茅包之。茅之白者。古用包裹禮物。以充祭祀。縮酒用之。○周易云。拔茅茹。以其彙。征吉。陸佃云。茅之為物。拔其根而牽茹者。君子以類出處之象。又云。藉用白茅。無咎。象曰。藉用白茅。柔在下也。孔子曰。茅之為物。薄而用可重也。○禹貢云。荊州厥貢苞匭菁茅。○周禮甸師云。祭祀供蕭茅。○吳錄地理志曰。桂陽郴縣有菁茅。可染青。零陵泉陵有香茅。古貢之縮酒。○合

郴丑森反

璧事類云。茅叢生荒野間。野人刈以覆屋。江淮間生者。一莖三脊。曰菁茅。

春

响音乳

鄉飲酒義云。春之為言蠢也。產萬物者聖也。○尚書傳云。東方者何也。動方也。物之動。何以謂之春。春。出也。物之出也。○爾雅云。春為青陽。注。氣清而溫陽。○尚書云。寅賓出日。平秩東作。日中星鳥。以殷仲春。○夏小正云。正月啓蟄。雉震响。响者鳴也。震者鼓其翼也。時有俊風。俊者大風。滌凍塗。滌者變也。田鼠出。

詩名物疏

朱

睇音第
鼓音解

農及雪澤采芸。芸是邪蒿可食柳稊。稊發乎也梅杏施桃則華。

二月祭鮪采芑來降燕乃睇三月參則伏。鼗則鳴。

鼗頌水拂桐葩。桐葩始生貌拂拂然○月令云孟春之月

日在營室昏參中旦尾中其日甲乙其帝大皞其

神勾芒其蟲鱗其音角律中太簇東風解凍蟄蟲

始振魚上冰獺祭魚鴻鴈來天氣下降地氣上騰

天地和同草木萌動仲春之月日在奎昏弧中旦

建星中。注弧與建星者以弧星近并建星近斗并斗度多星體廣不可的指故舉弧建以定

昏旦律中夾鍾始雨水桃則華倉庚鳴鷹化為鳩

之中

玄鳥至日夜分雷乃發聲始電蟄蟲咸動啓戶始

出季春之月日在胃昏七星中旦牽牛中律中姑

洗桐始華田鼠化為鴽虹始見萍始生是月也鳴

鳩拂其羽戴勝降於桑生氣方盛陽氣發洩勾者

畢出萌者盡達○鄭注月令云孟春日月會於娵

訾仲春日月會於降婁季春日月會於大梁○尚

書緯云東方春龍房位其規仁好生不賊其帝青

表聖明行趨德○元命包云春者神明推移精華

結紐注神明猶陰陽也相推使物精華結成紐結

結紐注神明猶陰陽也相推使物精華結成紐結

結紐注神明猶陰陽也相推使物精華結成紐結

詩名物疏

卷八

四

要也。○素問云。春三月。此謂發陳。天地俱生。萬物以榮。又曰。東方生風。風生木。其德敷和。敷和之紀。木德周行。陽舒陰布。五化宣平。

樸檄

榘音斛

能音耐

爾雅云。檄樸。心。疏。檄樸。一名心。某氏曰。樸檄。榘檄也。有心。能濕。江河間以作柱。詩云。林有樸檄。此作檄。樸。文雖別。其實一也。

鹿

麋音堅

爾雅云。鹿。牡。麋。牝。麋。其子麋。其迹速。絕有力。麋。○

軒音憲

說文云。鹿。解角獸。羣萃善走者也。○周禮云。朝事之豆。菁菹。鹿麇。○禮記云。仲夏。鹿角解。又云。居澤以鹿豕為禮。謂之不知禮。又云。鹿脯。麋脯。麇脯。皆有軒。○字統云。鹿性警防。分背而食。以備人物之害。○埤雅云。鹿分背而食。食則相呼。羣居則環其角外向。以防物之害已。故詩以況君臣之義。而毛詩草蟲經曰。鹿欲食。皆鳴相召。志不忌也。周官曰。視朝則皮弁服。蓋取諸此。鹿愛其類。出於天性也。○雅翼云。古稱馬之似鹿者。直百金。今荆楚之地。

其鹿絕似馬。當解角時。望之無辨。土人謂之馬鹿。是知趙高指鹿為馬。蓋以類爾。鹿無枝解。角有枝。曰解。夏則解角而易毛。冬則角長而毛深。古伏羲之世。麗皮為禮。按說文集韻云。麗。旅行也。鹿之性。見食則急而旅行。禮麗皮。蓋鹿皮云。○家語曰。四九三十六。鹿主律。律主鹿。鹿故六月而生。○運斗樞云。瑤光星散為鹿。○衝波傳云。鹿生三年。其角自墮。○述異記云。鹿千年為蒼鹿。又五百年為白鹿。又五百年化為玄鹿。成帝時。中山人得玄鹿烹

而視其骨。皆黑色。仙者說玄鹿為脯食之。壽二千歲。○天玄主物簿云。鹿者仙獸。常自能樂性。從其雲泉。至六十年。必懷瓊於角下。角有班痕。紫色如點。行或有涎出於口。不復能急走矣。○山谷云。胡居士常言。鹿性驚烈。多別良草。食葛葉等九物。餘則不嘗。凡餌藥者。勿食鹿肉。以鹿常啖解毒之草也。

玉

大戴禮云。玉在山而木潤。川生珠而岸不枯。珠者

陰中之陽也。故勝水。王者陽中之陰也。故勝木。○
周禮。玉府。掌王之金玉。共王之服。玉佩。玉珠。玉
齊。共食玉。大宗伯。以玉作六瑞。典瑞。掌玉瑞。玉器
之藏。刮摩之工。玉人。○禮記。孔子曰。君子比德于
玉。溫潤而澤。仁也。縝密而栗。知也。廉而不剝。義也。
垂之如隊。禮也。叩之其聲清越以長。其終訕然。樂
也。瑕不掩瑜。瑜不掩瑕。忠也。孚尹旁達。信也。氣如
白虹。天也。精神見於山川。地也。圭璋特達。德也。天
下莫不貴者。道也。○爾雅。玉謂之璣。○山海經云。

瑾瑜之玉爲良。璿栗精密。濁澤而有光。五色發作。
以和柔剛。天地鬼神。是食是饗。君子服之。以禦不
祥。○尸子云。水方折者有玉。圓折者有珠。○地鏡
圖曰。玉石之精也。其居地氣青而浮。白而圓。光轉
地中常潤。○說苑云。玉有六美。望之溫潤。君子比
德焉。近之栗理。君子比智焉。聲近徐而聞遠。君子
比義焉。折而不撓。闕而不荏。君子比勇焉。廉而不
剝。君子比仁焉。有瑕必見之於外。君子比情焉。○
王逸正部論云。或問玉符。曰。赤如雞冠。黃如蒸栗。

防音

白如猪肪。黑如純漆。

帨

內則云。子事父母。婦事舅姑。左佩紛帨。注云。帨。拭物之佩巾。又云。子生。女子設帨於門右。○昏禮。母施衿結帨。

尨

爾雅云。犬生三。獫狁。二。師。一。獫狁。未成。毫狗。絕有力。狁。狗四尺為獫。○說文曰。犬。狗之有懸蹄者也。狗。叩也。叩氣吠以守也。尨。犬之多毛者也。○曲禮云。凡

獫音宗衛音其狁音趙

腸音渠鱗音修

祭祀。犬曰羹。獻。內則云。犬宜梁。○周禮大司寇。犬

祭祀。奉犬牲。犬人。掌犬牲。庖人。夏行。膳。鱠。膳。膏。臊。

○春秋考異。郵曰。七九六十三。陽氣通。故斗運。狗三月而生。陽主於三。故狗各高三尺。宋均注曰。狗

斗精之所生也。○風俗通云。狗者金畜。○廣雅云。

殷虞。晉。獫狁。楚。黃。韓。盧。宋。狔。狼。狐。狂。獫。並犬屬。○五

行傳云。鷄畜之有冠翼者。屬貌。犬畜之以口吠者。

屬言。羊畜之遠視者。屬視。豕畜之居閑衛而聽者。屬聽。牛畜之任重者。屬思。○埤雅云。犬有三種。一

狔七雀反狂音注獵音憤

者田犬。二者吠犬。三者食犬。食犬若今菜牛也。

何彼穠矣篇

唐棣

爾雅云。唐棣。移。郭云。似白楊。江東呼爲夫移。○陸疏云。唐棣。與李也。一名雀梅。亦曰車下李。所在山皆有其華。或赤或白。五月中成實。大如李子。可食。○埤雅云。凡木之華。皆先合而後開。惟此華先開而後合。詩曰。唐棣之華。偏其反而。○本草云。扶移木皮。味苦。燒木皮置酒中。令味正。經時不敗。生江

南山谷。樹大十數圍。無風葉動。華反而後合。○崔豹古今注云。移。楊圓葉弱蒂。微風大搖。一名高飛。一名獨搖。一名移楊。一名移柳。亦曰蒲移。○雅翼云。齊民要術。以高飛獨搖爲白楊之別名。又本草白楊注云。取葉圓大蒂小。無風自動者。故說者云。葉無風自動。此是移楊。非白楊也。

按唐棣常棣是二種。爾雅云。唐棣。移。本草謂之扶移木。一名高飛。一名獨搖。爾雅又云。棠棣。棣。小雅所謂常棣之華也。又本草郁李仁。一名棣。

一名雀李。一名車下李。七月之所謂奠也。陸機知唐棣常棣各一種。卻不當以名與李車下李。五月成實者。為唐棣。故孔仲達七月疏。俱不明了。本草注於郁李仁下。既引陸氏釋常棣之文。圖經又引釋唐棣之文。而常唐二字俱作棠。混之甚矣。唐棣自是楊類。雖得棣名。而實非棣也。惟鄭漁仲分析甚當。朱子論語注云。唐棣郁李也。亦陸機誤之與。

王姬

禮緯云。周姬姓。祖履大人迹而生。○國語云。黃帝以姬水成。故黃帝為姬。○春秋。築王姬之館於外。杜預曰。不稱字。以王為尊也。○公羊傳云。天子嫁女於諸侯。必使諸侯同姓者主之。○序云。王姬下嫁於諸侯。車服不繫其夫。下王后一等。○箋云。謂車乘厭翟。勒面纁總。服則褕狄。

按王姬依毛傳。則武王之女。適齊侯之子。武王后。齊太公之女。太公子丁公伋。與邑姜為兄弟。所稱齊侯者。殆是丁公與。玄晏先生云。武王五

言名物類 卷八
三百十二
男二女。元女妻胡公。王姬宜爲媵。今得適齊侯之子者。或以尊故。命同族爲媵也。若以爲東遷後詩。則春秋王姬歸齊。與平王相值者有二。莊元年之王姬。所適者齊襄公也。莊十一年之共姬。所適者齊桓公也。鄭箴膏肓云。齊侯嫁女。以其母王姬始嫁之。車遠送之。其說又異矣。

車

釋名云。古者車聲如居。言所以居人也。今日車。車舍也。行者所處若舍也。○古史考云。黃帝作車。少

昊時略加牛。禹時奚仲駕馬。○山海經云。番禺生奚仲。奚仲生吉光。是始以木爲車。○晉書云。聖人見秋蓬孤轉。朽觶旁建。乃作輿輅。而方圓異制。○周禮巾車。掌公車之政令。王之五路。玉路。金路。象路。革路。木路。王后之五路。重翟。厭翟。安車。翟車。輦車。王之喪車。五乘。木車。素車。藻車。駢車。漆車。服車。五乘。孤乘。夏篆。卿乘。夏纁。大夫乘。墨車。士乘。棧車。庶人乘。後車。車僕。掌戎路之萃。廣車之萃。闕車之萃。萃。車之萃。輕車之萃。○考工記云。周人尚輿。一

轎音倚

轎音僕
對音對

器而工聚焉者。車為多。軫之方。以象地也。蓋之圓。以象天也。輪輻三十。以象日月也。蓋弓二十有八。以象星也。車人為大車。柏車。羊車。○禮書云。車之制。前軾而後戶。前軌而後軫。旁轎而首以較。下軸而銜以轆。對人者謂之輦。如輦者謂之輶。揉而相迎者謂之牙。輶之曲中謂之前疾。輶之上平謂之衡。衡之材與輿之下木皆曰任。以其力任於此也。轂之端與轎之下木皆曰軹。以其旁止於此也。軹可以名輿。可以名車。達常可以名部。軹前橫木可

輶音揉

以名輅。此又因一材而通名之也。其為車也。有長轂者。有短轂者。有杼輪者。有侔輪者。有反輶者。有反輶者。有兩輪者。有四輪者。有有輻者。有無輻者。有曲輶者。有直輶者。有一轆者。有兩轆者。有直輿者。有曲輿者。鈎車曲輿有廣箱者。有方箱者。有重較者。有單較者。或駕以馬。或駕以牛。或輓以人。或飾以物。或飾以漆。或樸以素。要皆因宜以為之制。稱事以為之文也。

李

爾雅云。休。無實李。座。接虞李。駁。赤李。桃李醜核。棗李曰。瘞之。○運斗樞云。王衡星散為李。○管子云。五沃之土。其木宜李。○淮南子。三月。其樹李。○埤雅云。素問曰。李。非皆酸。李。東方之果。木子也。故其字從木。從子。性頗難老。老雖枝枯。子亦不細。其品處桃上。○爾雅。翬云。李木之多子者。花最繁密。爾雅有三種。座。接虞李。即今之麥李。與麥同熟者。為果肉厚而乾。與核相離。駁。赤李。則李之赤。而有木者。休。無實李。李實繁。有竊食之嫌。無實。則其下可

休矣。○西京雜記云。上林苑有紫李。青綺李。黃李。青房李。綠李。顏淵李。合枝李。羌李。朱李。車下李。燕李。猴李。蠻李。

齊

譜云。齊者。古少皞世。爽鳩氏之墟。周武王伐紂。封大師。呂望於齊。地方百里。都營丘。周公定九畿。成王用周公之法。制廣大邦國之境。而齊受上公之地。更方五百里。其封域。東至於海。西至於河南。南至於穆陵。北至於無棣。在禹貢青州岱山之陰。濰淄

濰音微

詩名物疏

卷八

三

四

前音
逢音龐

之野。○朱子云。今青齊淄濰德棣等州是其地。○
左傳晏子云。管夷鳩氏始居此地。季荊因之。有逢
伯陵因之。薄姑氏因之。而后太公因之。○元命包
云。虛危之精。流為青州。分為齊國。○史記云。齊所
以為齊者。以天齊也。又云。胡公徙都薄姑。獻公徙
治臨淄。又云。吾適齊。自泰山屬之瑯琊。北被於海。
膏壤二千里。其民潤達多匿。知其天性也。○戰國
策蘇秦云。齊南有泰山。東有瑯琊。西有清河。北有
渤海。此所謂四塞之國也。

按一統志。營丘城。在今青州府昌樂縣東南五
十里。薄姑。今青州府博興縣。有故城。在縣東十
五里。古齊城。在臨淄縣城北。獻公所徙之城也。
天齊淵。在臨淄縣東十五里。平地出泉。廣可半
畝。土人名曰龍池。朱傳所云青。即今青州府。齊
州。今濟南府。淄州。今濟南府淄川縣。濰州。今萊
州府濰縣。德州。在濟南府。棣州。今青州府樂安
縣。俱隸山東。

鈞

說文釣魚也。○列子云。釣者以獨繭絲為綸。芒針為鈎。荆條為竿。剖粒為餌。○淮南子曰。釣者靜之。

緝

緝音爭

釋言云。緝。綸。孫炎曰。皆繩名也。郭璞曰。緝。繩也。江東謂之綸。○釋名云。綸。倫也。作之有倫理也。○小爾雅云。大者謂之索。小者謂之繩。詘而戾之為緝。○物原云。遂人作繩。軒轅因作縣索。○通俗文曰。合繩曰糾。單展曰紐。織繩曰辯。大繩曰緝。○易曰。上古結繩而治。○書曰。木從繩則正。

緝音登反

按禮記。王言如絲。其出如綸。鄭注。今制有秩。齋夫所佩。此說文所謂糾青絲綬也。與此綸不同。

騶虞篇

葭

葭音迢
葭音大

爾雅云。葦醜芳。葭華。葭蘆。其萌葭。○夏小正云。七月。秀。葭葦。未秀則不為葭葦。秀然後為葭葦。葭未秀為蒹。葦未秀為蘆。○埤雅云。葦醜芳。言其華皆有芳秀。今風輒吹揚如雪。其聚於地如絮。淮南子曰。蒿苗類絮。而不可以為絮。葦即今之蘆。一名葭。

葭。葭之未秀者也。萑即今之荻。一名蒹。蒹。萑之未秀者也。葭一名華。蒹一名廉。至秋堅成。謂之萑葦。先儒以為萑如葦而細。按禮。土鼓。簣。桴。葦。籥。葦管。中。籥。則萑小而葦大矣。其字從葦。則葦緩故也。荀子曰。柔從若蒲葦。○嚴粲云。葭。蘆葦。又名華。一物四名。葭。葦之初生者。○淮南子云。季夏。令滂人入材葦。

按字說云。蘆謂之葭。其小曰萑。荻謂之蒹。其小曰葦。與夏小正埤雅之言相反。釋爾雅者。孫炎

亂五惠反

郭璞。以蘆葦為二草。李巡。舍人樊光。以蘆葦為一草。自古有此紛紛矣。

豨

爾雅云。豨。豨。豨。○小爾雅云。豨。豨。豨也。其子曰豚。大者謂之豨。○說文云。豨。豨也。一曰。二歲能相把。挈也。○古今注云。漁陽以大猪為豨。○字說云。豨。所謂婁猪。巴猶婁也。○雅翼云。凡六畜之屬。皆見於釋畜。惟豨。見於釋獸。以豨者。通田豨之名。故別異之。詩云。彼茁者葭。一發五豨。于嗟乎騶虞。然則

言各物功 卷八
豨。豨豕之小者。故又謂之小豨。言雖取害稼之物。亦必待其成。所以爲仁也。

按羅氏云。豨豕之小者。對大豕而言。若對豨。則豨爲大矣。玩二章經旨。葭叢高。故有豨藏焉。蓬叢低。故有豨藏焉。說文一歲爲豨。二歲爲豨之說。殆必有所昉也。朱子以豨爲牡豕。顯悖爾雅。此鹵莽之過。廣雅云。獸一歲爲豨。二歲爲豨。三歲爲肩。四歲爲特。則豨豨之名。可通於羣獸也。

騶虞

毛傳云。義獸也。白虎黑文。不食生物。有至信之德。則應之。○陸疏云。尾長於軀。不食生物。不履生草。○海內北經云。林氏國有珍獸。大若虎。五采畢具。尾長於身。名曰騶吾。劉芳詩義疏曰。吾或作虞。乘之日行千里。○封禪書云。囿騶虞之珍羣。頌曰。般般之獸。樂我君囿。白質黑章。其儀可喜。攸攸穆穆。君子之態。○晉郭璞贊曰。怪獸五采。尾參於身。矯足千里。儵忽若神。是謂騶虞。詩歎其仁。○吳薛綜頌曰。婉婉白

豨音良

虎。優仁是崇。饑不侵暴。困不改容。歛威揚德。愷悌

之風。○中興徵祥說云。騶虞。仁獸也。其尾參倍。狀如虎而白色。嘯則風興。皜身如雪而無雜者是也。近代所謂白虎者。背班而虎文。爾雅所謂處虎耳。○瑞應圖云。白虎仁而不害。王者不暴虐。恩及行。輦則見。○河圖括地象云。令訾野中有玉虎。晨鳴雷聲。聖人感期而興。○埤雅云。騶虞。西方之獸。而名之曰虎。則宜以殺爲事。今反不履生草。食自死之肉。蓋仁之至也。

按禮射義云。天子以騶虞爲節。樂官備也。異義

韓詩說云。騶虞。天子掌鳥獸官。魯詩傳云。古有梁騶者。天子之田也。賈誼新書曰。騶者。天子之囿也。虞者。囿之司獸者也。以騶爲囿名。及以梁騶爲田名。僅見於魯詩賈子。月令。教田獵。命僕及七騶咸駕。左傳。晉悼公使程鄭爲乘馬御。六騶屬焉。則騶者。馬御也。舜典。益作朕虞。周有山虞澤虞。大田獵。萊山澤之野。則虞者。虞人也。韓詩說云。掌鳥獸官。意蓋近之。小序云。天下純被文王之化。庶類繁殖。蒐田以時。仁如騶虞。焦弱

言名物疏 卷八 三百九
侯云。騶人不失馳驅之法。則物不過傷。虞人厲
山澤之禁。故物性能遂。因嘆美歸功於二官。以
此解序。未爲不可。而與射義所謂樂官備者。亦
可通矣。但山海經及緯侯之書。俱以爲義獸。說
其形者。或以爲五采畢具。或以爲白虎黑文。或
以爲皜身無雜。又各不同。羅願則據淮南子。文
王囚羑里。散宜生得騶虞雞斯之飛。以獻於紂。
謂文王之馬。有名騶虞者。以其如林氏騶虞之
俊逸而名之。文王必嘗駕以從田。能與人相應。

致獲禽之多。故申而嘆之。此又一說也。

蓬

爾雅云。鬻。彫蓬。薦。黍蓬。○說文。蓬。蒿也。草之不理
者也。○埤雅云。其葉散生。末大於本。故遇風輒拔
而旋。雖轉徙無常。其相遇往往而有。故其制字從
逢。○曾子曰。蓬生麻中。不扶自直。○商子曰。飛蓬
遇飄風而行千里者。乘風之勢。○說苑云。秋蓬惡
於根本。而美於枝葉。秋風一起。根且拔矣。○通志
云。菰曰蓬。今人謂之菱。爾雅云。彫蓬者。米菱也。其

米謂之彫胡。可作飯。故曰鬻。黍蓬者。野麥也。不能結實。惟堪薦藉。故曰薦。

按蓬是蒿類。與芟自別。鄭漁仲所云。蓋本孫炎爾雅注。非也。

豮

爾雅云。豕生三豮。二師。一特。郭注。豕生子常多。故別其少者。○說文云。豮。生六月豚。一曰。一歲豮。尚叢聚也。○雅翼云。豮。從。義猶從也。羣以從母。有約從之義。說文又以小豚為豮。生二月為豮。生六

豮呼木友
豮音異

月為豮。或曰。一歲為豮。二歲能相把拏。三歲豕肩相及為豮。其說豮與爾雅不同。然皆小豕之名。

友人王文昌儒真校正

六家詩名物疏卷八終

寺名物疏

卷八

三

六家詩名物疏卷九

海虞馮復京嗣宗輯著

國風邶一

邶

譜云。邶。鄘。衛者。商紂畿內方千里之地。其封域在禹貢冀州大行之東。北踰衡漳。東及兗州桑土之野。武王伐紂。以其京師封武庚。三分其地。置三監。使管叔蔡叔霍叔尹而教之。自紂城而北謂之邶。南謂之鄘。東謂之衛。三監叛。成王伐三監。更于此

詩名物疏卷八

建諸侯。封康叔于衛。使為之長。後世稍并二國。混而名之。疏云。三叔各監一國。不知所監之國為誰。○周書作維云。俾康叔宇于殷。俾中旄父宇于東。註。東謂衛。殷。邶。鄆。康叔代霍叔。中旄代管叔。○地里志云。周既滅殷。分其畿內為三國。鄆以封紂子武庚。鄆管叔尹之。衛蔡叔尹之。以監殷民。謂之三監。三監叛。周公誅之。盡以其地封康叔。遷鄆。鄆之民于維邑。○補傳曰。邶。鄆。衛。皆以水得名。邶水在太山之阜。鄆水出宜蘇山。衛水在霧壽。即真○郡

國志。河內郡朝歌北有邶國。○一統志。邶城在河南衛輝府城東北。一說在懷慶府河內縣。

柏舟篇

柏

柏音春括音括

爾雅云。柏。榭。疏。柏一名榭。○埤雅云。柏性堅緻。有脂而香。故古人破為暢白。用以擣鬱。雜記所謂暢白以榭者是也。○尚書云。荊州厥貢。柅。幹。栝。柏。○尚書逸篇云。大社惟松。東社惟柏。南社惟梓。西社惟栗。北社惟槐。○周禮。冀州其利松柏。○荀子云。

言名物疏卷九
柏經冬而不凋。蒙霜而不變。可謂得其真矣。○四
民月令云。七月收柏實。○漢武內傳曰。藥有松柏
之膏。服之可長生。

舟

剡以再反

窾音款

舩音蒲

周易云。利涉大川。乘木舟虛。又云。剡木為舟。剡木
為楫。舟楫之利。以濟不通。蓋取諸隨。○世本云。古
觀落葉。因以為舟。○淮南子云。古人見窾木浮而
知為舟。○小爾雅云。小船謂之舩。舩之小者曰舩。
船頭謂之舩。尾謂之舩。楫謂之橈。○釋名云。舟。言

艦音通船
音首

周流也。舩。猶言循也。循水而行也。其上屋曰廬。重
屋曰飛廬。又在其上曰雀室。上下重版曰檻。狹而
長曰櫂。衝。三百斛曰舩。二百斛以下曰舩。○方言
云。舟。自關而西謂之船。自關而東或謂之舟。或謂
之航。首謂之閤。閤。或謂之艦。艦。後曰舩。○呂氏春
秋云。虞姁作舟。○物理論云。化狐作舟。○墨子云。
巧倕作舟。○山海經云。番禺始作舟。○東晉發蒙
記云。伯益作舟。○世本又云。共鼓貨狄作舟。黃帝
二臣也。

酒

耐其紉

說文云。酒。就也。所以就人性之善惡也。一曰造也。吉凶所起造也。又曰醴。酒一宿熟也。醪。汁滓酒也。酎。三重醕酒也。醕。薄酒也。醠。厚酒也。○釋名云。酒。酉也。釀之米麴。酉。澤久而味美也。○世本云。儀狄始作酒。醪。變五味。少康作秫酒。○周禮。酒正。以式法授酒材。五齊。一曰泛齊。成而有滓二曰醴齊。始成三三曰盎齊。葱白四曰緹齊。成而紅五曰沈齊。造清三酒。一曰事酒。酌有事者二曰昔酒。久白三曰清酒。四飲。一曰清。

緹音體

醫字反

醴之二曰醫。以醴為醴三曰漿。四曰醕。共王之四

獻音涉
沈音稅
修音條

飲三酒之饌。及后世子之飲與其酒。凡祭祀。以法共五齊三酒。以實八尊。共賓客之禮酒。共后致飲于賓客之禮。鑿醕糟。凡王之燕飲酒。共其計。凡饗士。庶子。耆老。孤子。皆共其酒。酒人。掌為五齊三酒。漿人。掌共王之六飲。水。漿。醴。涼。寒醫。醕。司尊彝云。凡六尊之酌。鬱齊。獻酌。醴齊。縮酌。盎齊。沈酌。凡酒脩酌。注云。凡酒謂三酒也。四者。灌用鬱齊。朝用醴齊。饋用盎齊。諸臣自酢用凡酒。○月令云。仲冬之

湛莫

貸音三

醴側眼反
醴音體

酒先典反

言音間

詩名物疏卷九
月。乃命大酋。秣稌必齊。麴蘖必時。湛熾必潔。水泉必香。陶器必良。火齊必得。兼用六物。大酋監之。毋有差貸。注。湛。漬而滌之也。熾。蒸炊也。曲禮曰。祭宗廟。酒曰清酌。禮運云。玄酒在室。醴醖在戶。粢醴在堂。澄酒在下。郊特牲云。酒醴之美。玄酒明水之尚。貴五味之本也。縮酌用茅。明酌也。醴酒澆于清。汁獻。澆于醴酒。射義云。酒者所以養老也。所以養病也。玉藻云。君子之飲酒也。受一爵而色洒如也。二爵而言言斯。禮已三爵。而油油以退。○春秋緯云。

凡黍為酒。陽據陰。乃能動。故以麥釀黍為酒。注。麥陰也。先漬麴。黍後入。故曰陽相感。皆據陰也。相得而沸。是其動也。○尚書酒誥曰。文王告教小子。有正有事。無彝酒。越庶國飲惟祀。德將無醉。

鑒

廣雅云。鑒謂之鏡。○周禮。司烜氏。以鑒取明水于月。○玄中記云。尹壽作鏡。○武王鏡銘云。見爾前。必顧爾後。○韓子云。古之人。目短于自見。故以鏡觀面。智短于自知。故以道正已。鏡無見疵之罪。道

言名物疏卷九
無明過之惡。○文子云。鏡不設形。故能有形。○淮南子云。明鏡之始型。矇然未見形容也。及拭之以玄錫。磨之以白氈。則鬚眉髮毛。可得而察。○博古圖云。黃帝液金以作神物。爲鑿凡十有五。取乾坤五五之數。

兄

釋親云。男子先生爲兄。冢兄也。○廣雅云。兄。況也。況于父。

第

釋親云。男子後生爲弟。○廣雅云。弟。悌也。言順于兄。○釋名云。弟。第也。相次第而生也。

石

釋名云。山體曰石。石。磳磳也。堅捍磳也。山多大石曰磳。山多小石曰礧。○春秋說題辭云。周易。艮爲山。爲小石。石陰中之陽。陽中之陰。陰精補陽。故曰含石。石之爲言託也。託立法也。○博物志云。地以石爲之骨。○物理論云。土精爲石。石氣之核也。氣之生石。猶人筋絡之生爪牙也。

磳音落

磳音確
礧同

席

說文云。席。薦也。○釋名云。薦。所以自薦藉也。席。釋也。可卷可釋也。○韓子曰。夏禹為茵蔯席。○周禮云。玉府。掌王之衽席。司几筵。掌五席之名物。凡大朝覲。大饗射。封國。命諸侯。設莞筵。紛純。加繅席。畫純。加次席。黼純。祀先王。酢席。亦如之。諸侯祭祀席。蒲筵。績純。加莞席。紛純。酢席。莞筵。紛純。加繅席。畫純。筵。國賓于牖前。亦如之。甸。役則設熊席。凡喪事。設葦席。鄭注。五席。莞。藻。次。蒲。熊也。紛。如綬有文而

繅讀曰藻

甸音田

狹者。繅席。削蒲。蕩展之。加以五采。次席。桃枝席。有次列成文。莞。小蒲席。○公食大夫禮。蒲筵。常。緇布純。加萑席。尋。玄帛純。上大夫蒲筵。加萑席。其純皆如下大夫純。鄉飲酒。鄉射禮。蒲筵。緇布純。燕禮。司宮筵賓于戶。西。東上。無加席。小臣設公席于阼階。上。西鄉。設加席。大射。小臣設公席于阼階上。西鄉。司宮設賓席于戶。西南面。有加席。聘禮。賓請覲。宰夫徹几。改筵。士虞。葦席。○曲禮云。羣臣五人。則長者必異席。奉席如橋衡。請席何鄉。請衽何趾。席南

函音咸

言各物疏卷九
鄉北鄉以西方為上。東鄉西鄉以南方為上。若非
飲食之客。則布席。席間函丈。禮器云。禮有以多為
貴者。天子之席五重。諸侯三重。大夫再重。有以少
為貴者。鬼神之祭。單席。郊特牲云。大饗。君三重。席
而酢焉。三獻之介。君專席而酢焉。筦簞之安。而蒲
越藁秸之尚。明之也。玉藻云。登席不由前。為躡席。
○左傳云。大路越席。昭其儉也。

越音活

按鄭氏云。鋪陳曰筵。籍之曰席。則在下者筵。加
在上者席。散文亦得通言也。司几筵五席外。有

打蓋

葦席。喪事所設也。有柏席。藏中所用也。有越席。
郊社所設也。有蒯席。出杆所履也。尚書顧命箋
席黼純。即次席黼純也。底席即纁席。而綴純為
異。豐席即莞席。而畫純為異。荀席玄紛純。又別
是一席。鄭玄云。新鬼神之事。不用生時之席。故
也。公食大夫大射。賓有加席。燕禮之賓。無加席。
蓋燕私禮。臣屈也。大夫鄉飲。士鄉射。則蒲筵。緇
布純而已。三禮圖又云。士蒲筵。無純。士卑故也。
若天子臥席。亦止再重。詩下莞上簟是也。士喪

禮者。士禮也。云下筦上簞。衽如初。則天子以下皆同。

日

禮統云。日者。實也。形體光實。人君之象。○易曰。日月麗乎天。又云。離爲日。又云。日中則昃。月盈則食。天地盈虛。與時消息。○周禮馮相氏。冬夏致日。春秋致月。○禮記。郊之祭。大報天而主日。配以月。又云。王宮祭日也。夜明祭月也。又云。祭日于壇。祭月于坎。以別幽明。以制上下。祭日于東。祭月于西。以

別外內。以端其位。○易傳云。日者衆陽之宗。內明玄黃。五色無主。以象人君。精精似青。翼翼似黑。玄玄似赤。縞縞似白。煌煌似黃。光照無主。不可以一色名也。○春秋內事云。日者陽德之母。○元命包云。日尊。故曰滿。滿故仁。仁故明。明故精在外。注云。滿者。常盛無虧也。又云。陽數起于一。成于三。故日中有三足鳥者。陽精也。○書考靈曜云。日光照四萬六千里。○地說書云。日照四十五萬里。○周髀云。日光外照徑八十一萬里。○白虎通云。日行遲。

月行疾者何。君舒臣勞也。日月所以懸著何。助天
行化。昭明下地也。日月徑千里。○爾雅云。觚竹北
戶。西王母日下。謂之四荒。距齊州以南戴日為丹
穴。東至日所出為太平。西至日所入為太蒙。○廣
雅云。日名朱明。一名曜靈。一名東君。一名大明。亦
名陽鳥。○淮南子云。日出于陽谷。浴于咸池。拂于
扶桑。是謂晨明。登于扶桑。爰始將行。是謂朏明。將
也。至于曲阿。是謂旦明。至于曾泉。是謂蚤食。至于
桑野。是謂晏食。至于衡陽。是謂隅中。至于昆吾。是

謂正中。至于鳥次。西南方山名是謂小還。至于悲谷。是
謂備時。至于女紀。是謂大還。至于淵虞。地名是謂高
春。高春時至于連石。是謂下春。至于悲泉。爰止其
女。爰息其馬。是謂懸車。至于虞淵。是謂黃昏。至于
蒙谷。是謂定昏。日入于虞淵之汜。曙于蒙谷之浦。
行九州七舍。有五億萬七千三百九里。又云。積陽
之熱氣生火。火氣之精者為日。○前漢書云。陰陽
往來。馴積而變。日南至。其行最急。急而漸損。以至
春分。及中而後遲。迨日北至。其行最舒。舒而漸益。

言名物類... 卷九
以至秋分。又及中而益急。○纂要云。日光曰景。日影曰晷。日氣曰晈。初出為旭。日昕曰晞。日溫曰煦。日在午曰亭。午在未曰昃。日晚曰旰。日將落日薄莫。日西落光反照于東謂之反景。在上曰反景。在下曰倒景。○乙巳占云。日者光明外發。鬼體內全。匿精揚輝。圓而常滿。此人君之體也。晝夜有節。循度有常。春生夏養。秋收冬藏。人君之政也。星月稟其光。辰宿宣其氣。生靈仰其照。葵藿慕其恩。此人君之德也。

月

釋名云。月。闕也。言滿則復闕也。臍。月未成明也。鬼

月始生。鬼然也。承大月月生二日謂之鬼。承小月月生三日謂之臍。朔。蘇也。

月。死復蘇生也。晦。灰也。火死為灰。月光盡似之也。

弦。其形一旁曲。一旁直。若張弓弦也。望。日月逢相

望也。○河圖帝覽嬉云。月者金之精也。○援神契

孔子曰。日者天之明。月者地之理。月上屬為天使。

婦從夫。故月紀。○乾鑿度云。月三日成鬼。八日成

光。蟾蜍體就。穴鼻始明。穴。決也。決。鼻。兔。○禮斗威儀云。政

擊其

朧字反

朧字反

太平。則月圓而多輝。政升平。則月清而明。○呂氏
 春秋云。月羣陰之本。月望則蚌蛤實。羣陰盈。月晦
 則蚌蛤虛。羣陰擊。夫月形于天。而羣陰化于淵。○
 淮南子云。月積陰之寒氣。大者為水。水氣之精者
 為月。○廣雅云。夜光謂之月。月御謂之望舒。○方
 言云。日運為纏。月運為逡。○漢書云。月分則同道。
 至則相過。晦而見西方謂之朧。朔而見東方謂之
 朧。亦謂之側匿。朧行疾貌。胸縮也。側匿猶縮懦。○靈憲云。日譬猶
 火。月譬猶水。火則外光。水則含影。故月光生于日

之所照。晷生于日之所蔽。當日則光盈。就日則光
 盡。○徐整長曆云。月徑千里。周圍三千里。下于地
 七千里。○地說書云。月照四十五萬里。○隋書云。
 月者陰之精也。其形圓。其質清。日光照之。則見其
 明。日光所不照。則謂之晷。故月望之日。日月相望。
 人居其間。盡觀其明。故形圓也。二弦之日。日照其
 側。人觀其旁。故半明半晷也。晦朔之日。日照其表。
 人在其裏。故不見也。○乙巳占云。盈極必缺。示其
 不可久盈也。陰道臣道妻道。理當恒缺也。○埤雅

詩名物疏卷九
云。朔而月出西方。夕見。至望。然後出于東方。夜見。日月之盛。皆在東方。

綠衣篇

綠

釋名云。綠。瀏也。荆泉之水。于上視之。瀏然綠色。此似之也。○論語疏皇氏云。青是東方正。綠是東方間。東為木。木色青。木刻土。土色黃。並以所刻為間。故綠色青黃也。○陳祥道云。甲巳合而為綠。

按綠字。鄭改作祿。是王后六服之最下者。御于

王之服。亦以燕居。男子之祿衣黑。則是亦黑也。內命婦之服。三夫人闕狄以下。九嬪鞠衣。世婦展衣。女御祿衣。

黃

考工記云。天謂之玄。地謂之黃。○釋名云。黃。晃也。猶晃晃。象日光色也。

裏

周禮內司服。掌王后之六服。素紗。鄭云。素紗者。今之白縛也。六服皆衰制。以白縛為裏。使之張顯。今

言名物類... 世有沙穀者。名出于此。

裳

禮書傳

玉藻云。衣正色。裳間色。郊特牲云。三王共皮弁素積。○白虎通云。所以名為裳何。裳者。鄭也。自鄭閉也。○爾雅云。裳削幅謂之襜。部云。削殺其幅。深衣之裳。○禮書云。深衣之裳。十有二幅。短毋見膚。長無被土。凡裳前三幅。後四幅。明衣裳不辟。喪裳三衽。則吉裳不特三衽而已。明衣裳及蔽。則凡裳不特及蔽而已。明衣有前後裳。則凡裳前三後四。以

禮書傳
蔽者肩反

解音卑
緇他計反
純音詩

象陰陽可知。明衣裳。縗。緇。緇。純。士婚禮。爵弁。纁。裳。緇。純。曲禮。素衣。素裳。素冠。徹緣。則凡裳有緣可知。冕服。玄衣。纁裳。皮弁服。素衣。素裳。諸侯朝服。緇衣。素裳。士爵弁服。緇衣。纁裳。玄端服。有玄裳。黃裳。雜裳。深衣。長衣。裳之色同。三翟三衣。亦衣裳之色。全。孔安國書注曰。蟻裳。玄。彤裳。纁。蓋裳。以纁為主。纁。赤黃色。以土無正位。必託于火故也。若夫玄裳。素裳之類。各象其事而服之。○鄭氏周禮注云。婦人尚專一。德無所兼。連衣裳不異其色。○論語疏

詩名物類

云。玄端素裳。諸侯朝服。若上士以玄為裳。中士以黃為裳。下士以雜色為裳。天子諸侯以朱為裳。則皆謂之玄端。不得名為朝服。

風

釋名云。風。充豫司橫口合唇言之。風。汜也。其氣博汎而動物也。青徐開唇推氣言之。風。放也。氣放散也。○爾雅云。春為發生。夏為長羸。秋為收成。冬為安寧。四時和為通正。謂之景風。又云。祭風曰磔。○易云。撓萬物者莫疾乎風。又云。風以動之。○書云。

磔音責

觀風學

休徵曰聖。時風若。咎徵曰蒙。恒風若。○周禮以禋燎祀觀師雨師。保章氏以十有二風。察天地之和。命乖別之妖祥。○考異郵云。八風殺生。以節翱翔。距冬至至四十五日。條風至。條者達上也。立春四十五日。明庶風至。明庶迎惠。分春四十五日。清明風至。精芒挫收。立夏之後。薺麥之屬。秀出已備。故挫止其鋒。芒收之。使成實。四十五日。景風至。景風強也。強以成之。夏至四十五日。涼風至。涼風者寒以閉也。立秋四十五日。閭闔風至。閭闔者當寒天收也。分秋四十五日。不周風至。不周者不交

詩名物疏

五

風凡不
凡凡音
凡凡

言名物頭元卷九
也。陰陽未合化也。立冬四十五日。廣莫風至。廣莫者
精大滿也。冬三風之為言萌也。其立字。虫動于凡中
者為風。○元命包云。陰陽怒為風。○動聲儀云。風
者禮樂之始。萬物之首。○帝通紀云。風者天地之
使。○黃帝風經云。調暢祥和。天之喜氣也。折揚奔
厲。天之怒氣也。風者氣也。得怒之氣則暴。得喜之
氣則和。得金之氣則涼。得木之氣則溫。得火之氣
則炎。得水之氣則烈。又云。風不及地。和緩而來。謂
之祥風。○翼氏風角云。風者天之號令。所以譴告

噫音隘

人君者。○管子云。風漂物者也。風之所漂。不避貴
賤。美惡。○莊子曰。大塊噫氣。其名為風。○子華子
云。風涵大玄之中。精故能動化百物。而行乎天上。
風陰也。而其發為陽。○呂氏春秋云。風師曰。飛廉
應劭云。飛廉神禽。能致風氣者也。○董子云。太平
之世。風不鳴條。開甲破萌而已。

燕燕篇

燕

爾雅云。燕燕。鳥。○廣雅云。玄鳥。朱鳥。燕也。○埤雅

詩名物頭元卷九

七

鷓鴣

鷓鴣音意
鷓鴣音而

言名物疏卷九
云。燕齋口布翅枝尾。齊人呼鷓。取其名自呼也。一
 名玄鳥。取其色之玄也。一名鷓鴣。莊周所謂鳥莫
 智于鷓鴣。目之所宜處。不給視。雖落其實。棄之而
 走。其畏人也。而襲諸人間。此燕安之道也。故其字
 又為燕安之燕。○雅翼云。燕有兩種。越燕小而多
 聲。領下紫。巢于門楣上。謂之紫燕。亦謂之漢燕。胡
 燕比越燕而大。臆前白質黑章。其聲亦大。巢于大
 屋兩椽。其長有容匹素者。謂之蛇燕。其尾岐分光
 澤。故漢書燕燕尾涎涎。曰美好之貌也。以春分來

而秋分去。其來主為孚乳。故古者以其至之日祀
 高禘。契因是而生。至其去也。多藏深山大空木中。
 無毛羽。或蟄藏坻岸中。亦云入水為蜃蛤。淮南子
 云。燕之為蛤是也。其來去皆避社。又戊巳日不取
 土。豈社主于土。戊巳土位。土克水。燕之所避與。○
 廣州志云。燕有三種。于崑崖者為土燕。○運斗樞
 云。瑤光星散為燕。○左傳云。少皞時。鳥師而鳥名。
 玄鳥氏。司分者也。○夏小正云。二月來降燕。乃睇。
 降者下也。睇者眄也。眄者視可為室也。九月陟玄

詩名物疏卷九

三

鳥蟄。先言陟。後言蟄。陟而後蟄也。○月令云。仲春玄鳥至。仲秋玄鳥歸。○博物志云。燕戊巳日不啣泥塗巢。此非才智。自然得之。○玄中記云。千歲之燕戶北向。○禽經云。鴛鴦玄鳥愛其類。又云。鳥向啼背樓。燕背飛向宿。

雨

凍音東

釋名云。雨水從雲下也。雨。羽也。如鳥羽動則散也。○爾雅云。暴雨謂之凍。小雨謂之霖。霖。久雨謂之淫。淫。謂之霖。濟。謂之霽。○書云。休徵曰肅。時雨若。

咎徵曰狂。恒雨若。○易飛侯云。太平之時。五日一風。十日一雨。歲九三十六雨。此休徵時若之應。○春秋說題詞云。一歲三十六雨。天地之氣宣。十日小雨。應天文也。十五日大雨。以斗運也。○潛潭巴云。陽致于陰。故為雨。○禮統云。兩者輔時生養均。遍。故謂之雨。○帝通紀云。兩者天地之施也。○曾子云。天地之氣和為雨。○范子計然云。風為天氣。雨為地氣。風順時而行。雨應風而下。命曰天氣下。地氣上。陰陽交通。萬物成矣。○董子云。太平之時。

雨不破塊。津莖潤葉而已。○廣雅云。雨師謂之屏翳。○風俗通云。雨師爲玄冥。

身

釋名云。身。伸也。可屈伸也。

君

說文云。君。尊也。從尹從口。以發號。徐曰。君者尹也。正也。長民之通稱。晉悼公曰。臣之求君。以出令也。于文口尹爲君。○左傳云。賞慶刑威曰君。○白虎通云。君者羣也。羣下之歸心也。

日月篇

土

說文云。土地之吐生萬物者也。二象地之下。地之中。吐物出形也。○聖證論孔晁云。能吐生百穀謂之土。○白虎通云。土所以王。四季何。木非土不生。火非土不榮。金非土不成。水非土不高。扶微助衰。歷成其道。故五行更生。亦曰土。○書禹貢。冀州土白壤。兗州土黑墳。青州土白墳。徐州土赤埴墳。揚州。荊州土塗泥。豫州土惟壤。下土墳壚。梁州土青

黎雍州土黃壤。○周禮大司徒以土會之法辨五地之物生。一曰山林。動物宜毛。植物宜阜。其民毛而方。二曰川澤。動物宜鱗。植物宜膏。其民黑而津。三曰丘陵。動物宜羽。植物宜覈。其民專而長。四曰墳衍。動物宜介。植物宜莢。其民替而瘠。五曰原隰。動物宜羸。植物宜叢。其民豐肉而庠。載師掌任土之法。土人掌土地之政。草人掌土化之法以物地。○河圖括地象云。天有九部八紀。地有九州八柱。東南神州曰晨土。正南邛州曰深土。西南戎州曰

滔土。正西兗州曰開土。正中冀州曰白土。西南柱州曰肥土。北方玄州曰成土。東北咸州曰隱土。正東揚州曰信土。崑崙山為柱。氣上通天。崑崙者地之中也。○孝經鄭注云。分別五土。視其高下。若高田宜黍稷。下田宜稻麥。丘陵阪險宜種棗栗。○霧憲云。至厚莫如地。至空莫如土。○萬機論云。土地者百姓之所蹈也。殊無兩形之致。而譚者強謂之異體。地云者都大之名。土者細屬之號。國寧有有地無土。有土無地之處乎。

王文昌校

六家詩名物疏卷九終

六家詩名物疏卷十

海虞馮復京嗣宗輯著

國風邶二

終風篇

終風

韓詩說云。西風也。○毛傳云。終日風為終風。

暴

爾雅云。日出而風為暴。孫炎曰。陰雲不興。而大風暴起。○乙巳占云。風卒起。乍有乍無者曰暴風。

鼓以金鏡止鼓以金鐸通鼓凡軍旅則鼓鑿軍動則鼓其衆田役亦如之。罇師凡軍之夜三鑿皆鼓之。守鑿亦如之。大司馬仲春教振旅王執路鼓諸侯執鼗鼓軍將執晉鼓師帥執提旅帥執鼙中冬教大閱鼓人三鼓車徒皆作。○左傳曰師之耳目在吾旗鼓。又云一鼓作氣再而衰三而竭。又云金鼓以聲氣。○司馬法云千人之師執鼗萬人之師執大鼓。

按武事之鼓有六路。鼗晉提鼗鼗也。路四面鼓。

也。鼓長八尺面四尺中圍加三之一。謂之鼗。鄭玄曰。卽軍夜三鑿之鼓也。陳暘依沈休文云。鼗鼓長丈二尺非鼗也。長六尺六寸左右端廣六寸中尺厚三寸。穹者三之一。上三正。謂之晉鼓。有曲木提持立馬髦上者。謂之提鼓。之尤小者。謂之鼗。卽儀禮所謂朔周禮所謂輓也。路鼓本用之鼓。鬼享晉鼓本用之鼓。金奏鼗鼓亦懸於辟雍。鼗鼓亦通於射祭。而軍事皆得用之。此所謂擊鼓其鏜者。非教振旅。又非警鼗。乃州吁治

兵之鼓應是鼓爾。

兵

周禮司兵掌五兵五盾各辨其物與其等以待軍事。凡授兵從司馬之法以頒之用兵亦如之。鄭司農云五兵者戈殳戟酋矛夷矛。鄭康成云車之五兵。鄭司農所云者是也。步卒之五兵則無夷矛而有弓矢。○考工記云攻國之兵欲短守國之兵欲長。句兵欲無彈刺兵欲無蝟。是故句兵禠刺兵搏。○司馬法云弓矢圍及矛守戈戟助。凡五兵長以

禠音皮

備短短以救長。○管子云蚩尤受廬山之金而作五兵。

按考工記廬人云戈殳戟酋矛夷矛乃云六建既備車不反覆六建者五兵與人故以為車之五兵如先鄭說也。後鄭知徒之五兵無夷矛有弓矢者以司馬法知之。且夷矛三尋步卒不便於用也。然夷矛雖不施於步而弓矢未嘗不設於車。小戎闕官所載是也。

國

說文云。國。邦也。○禮記云。王者之制祿爵。凡五等。公侯田方百里。伯七十里。子男五十里。不能五十里。不合於天子。附於諸侯曰附庸。天子之縣內凡九十三國。名山大澤不以盼。九州千七百七十三國。天子之元士。諸侯之附庸。不與。○周禮。大司徒。諸公地方五百里。其食者半。諸侯地方四百里。食者三之一。諸伯地方三百里。食者三之一。諸子地方二百里。食者四之一。諸男地百里。食者四之一。○左傳云。天子之地一圻。列國一同。自是以衰。○

易曰。比。先王以建萬國。親諸侯。

漕

戴延之西征記云。白馬城。故衛之曹邑。○通典。滑州白馬縣。衛國曹邑。戴公廬於曹。即此。○孔氏曰。漕地在鄘。而抑曰土國城漕。國人所築之城也。思須與漕。衛女所經之邑也。

按唐之滑州。今直隸大名府滑縣。白馬縣。今廢。在滑縣治南。一統志云。即衛之曹邑也。

孫

傳云。公孫文仲也。○白虎通云。諸侯之子稱公子。公子之子稱公孫。

朱傳云。孫氏。○姓纂云。衛武公子惠孫曾耳。爲衛上卿。因氏焉。○潛夫論云。孫氏者。或王孫之班也。或諸孫之班也。衛之公族孫氏。

陳

譜云。陳者。處義氏之墟。武王以封虞闕父之子媯滿。是曰陳胡公。都宛丘之側。其封域在禹貢豫州之東。其地廣平。無名山大澤。西望外方。東不及盟。

豬。○左傳子產云。晉虞闕父爲周陶正。以服事我先王。先王賴其利器用也。與其神明之後也。庸以元女太姬配胡公而封諸陳。以脩三恪。○地里志云。太姬婦人尊貴。好祭祀。用史巫。故其俗巫鬼。○一統志。陳州在河南開封府城東南三百五十里。周封舜後於此。爲陳國。

宋

鄭譜云。武王克商。以陶唐氏火正闕伯之墟。封微子啓爲宋公。代武庚爲商後。其封域在禹貢徐州

言名物正 卷十 六 二百五十一
泗濱。西及豫州。盟豬之野。○地里志。梁國睢陽縣。故宋國。微子所封。○朱傳云。宋都商丘。

按古之商丘。漢之梁國。睢陽。皆今之河南開封府歸德州也。泗濱。在今直隸徐州。秦之泗水郡也。孟諸。亦在今歸德州境。

手

釋名云。手。須也。事業之所須也。○禮記。手容恭。

凱風篇

凱風

釋天云。南風謂之凱風。李巡曰。南風長養。萬物喜樂。故曰凱風。○易緯云。夏至。景風至。○呂氏春秋云。南方曰巨風。○大戴禮云。正月時有俊風。俊者大也。大風南風也。何大於南風也。曰。合水必於南風。解水必於南風。生必於南風。收必於南風。故大之也。○世紀云。舜作五弦之琴。以歌南風。歌曰。南風之薰兮。可以解吾民之愠兮。南風之時兮。可以阜吾民之財兮。○山海經云。發爽之山。又東四百里。至于旄山之尾。其南有谷曰育遺。多怪鳥。凱風

自是出。

棘

爾雅云。棗刺。郭璞曰。草刺鍼也。○方言云。凡草木刺人。北燕朝鮮之間謂之棗。自關而西謂之刺。江湘之間謂之棘。○本草云。白棘。一名棘針。一名棘刺。棘刺花。一名折莫。○唐本注云。棘有赤白二種。刺有兩種。有鈎有直。補益宜用直者。療腫宜用鈎者。白棘。莖白如粉。子葉與赤棘同。棘中時復有之。亦爲難得也。○圖經云。棘。小棗也。叢高三四尺。花

葉都似棗。而有赤白二種。

爾雅云。槐棘醜喬。注。枝皆喬竦。○孟子養其楨棘。趙注。楨棘。小棘。所謂酸棗也。○爾雅疏云。棗實小而味酢者名楨。○嵩陽子云。余家于滑臺。今酸棗縣。即滑之屬邑也。其地名酸棗焉。其樹高數丈。徑圍一二尺。木理極細。堅而且重。楨皮亦細。文似蛇鱗。其棗圓小而味酸。核微圓。其仁稍長。色赤如丹。此鑿之所重。居人不易得。今市之賣者。皆棘子爲之。○圖經云。酸棗野生。多在坡坂。及城壘間。似棗

木而皮細。其木心赤色。莖葉俱青。花似棗花。八月結實。紫紅色。似棗而圓小。味酸。○埤雅云。棘性堅強。費風之長養者。其心之生。更難于幹。四時纂要云。四月棗葉生。凱風之時也。魏風園有棘。棘酸棗也。於果爲下。舊云。鵲巢中必有棘。蓋棘性煖。○雅翼云。棘可以爲矢。晉者楚之先祖。桃弧棘矢以共禦王事。棘植于花外。則花不被霜。凱風旣云自南。乃當景風。白虎通云。景風至。棘造實。蓋吹彼棘心者。將以趣其造實。萬物之難生者棘。而造實又欲

其應候。南風雖能生物。亦已勞矣。○春秋元命包云。樹棘聽訟。其下者。棘赤心有刺。言治人者。原心不失其赤實也。○管子。五沃之土。其棘其棠。

按朱傳云。棘。小木。叢生多刺。難長。似指荆棘。本草之白棘。叢生三四尺者也。老子曰。師之所處。荆棘生焉。皇覽云。孔子塋中。不生荆棘。及刺人草。此詩曰。棘薪。若云。但可爲薪。云爾。然古者朝位植棘。取其赤心有刺也。又以爲七。蓋取其枝。翹竦有奉上之義。又可爲矢。出冰以除災。皆疑

是槭棘。蓋朝位植以配槐。豈宜小木。其用亦多。豈徒爲薪。槭棘實可食。魏詩園有棘。其實之食是也。說槭棘者雖不同。想其木高大。非荆棘比也。埤雅云。棘大者棗。小者棘。或云棘實曰棗。故爾雅釋槭在棗條中。然本草大棗酸棗。白棘。治療各異。青史子云。棘西方之草。秋木也。棗北方之草。冬木也。斷乎棗棘有辨。江南無棘。陶隱居之流。遂多誤說。合諸書論之。棗有十一種。而槭實是棘。以本草列酸棗于木部故也。哲無實棗。

或亦棘類與。嚴氏詩輯。則以此章棘心。魏風園有棘之棘。爲酸棗。楚茨言抽其棘。青蠅止於棘之棘。爲荆棘。蓋槭亦多刺。難長者。故嚴云爾。與朱說似別。

寒泉

說文云。泉水源也。○爾雅云。泉一見一否爲澱。濫泉。正出。沃泉。懸出。沇泉。穴出。歸異出同。肥。○通典。寒泉在濮州濮陽縣東南浚城。○水經注。濮水枝津。東逕浚城南而北。去濮陽三十五里。城側有寒

濫音澱
濫音澱

言各牛政 卷一 二百廿
泉岡。卽詩爰有寒泉。在浚之下。世謂之高平渠。非也。

浚

通典云。濮陽縣東南浚城。○輿地廣記云。開封縣有浚溝。詩所謂浚郊浚都也。祥符縣北有浚水。故謂浚儀有寒泉坂。○李氏曰。一云。浚水出浚儀東經邶城入濟。○玉海云。按毛傳。浚。衛邑。干旄云。在浚之都。下邑曰都。當以在濮陽者為正。

按濮陽縣。今為直隸大名府開州祥符縣。今屬

河南開封府。卽漢之浚儀。古開封縣。亦併入焉。

雄雉篇

雉

鳩音卜

鷓音狄雞
音汗鷓丁

置反

鷓音侍鷓
音緇

鷓音希鷓
音尊鷓音求

韓詩章句云。雉。耿介之鳥。○朱傳云。雉。野鷄。雄者有冠。長尾。身有文采。善鬪。○爾雅云。鷓雉。雉絕有力奮。鷓鷓。秩秩海雉。鷓山雉。雉。鷓雉。雉絕有力奮。伊洛而南。素質五采皆備成章曰翬。江淮而南。青質五采皆備成章曰鷓。南方曰鷓。東方曰鷓。北方曰鷓。西方曰鷓。雉之暮子為鷓。○易曰。離為雉。注。

取其有文章。○書云。日月星辰。山龍華蟲。注。華蟲。鷲雉也。楊炯冕服議云。雉身被五采。象聖人體兼文明。○左傳。鄒子云。少皞爲鳥師。而鳥名。五雉爲五工。正利器用。正度量。夷民者也。○大戴禮云。正月。雉震。雉震也者。鳴也。响也者。鼓其翼也。正月。必雷。雷不必聞。惟雉爲必聞之。○春官。大宗伯云。士執雉。○士相見禮云。贄冬用雉。注。取其耿介。交有時。別有倫也。○月令云。孟冬。雉入水爲蜃。季冬之月。雉雊雞乳。曲禮云。祭宗廟。雉曰疏趾。○運斗樞

云。璣星散爲雉。○蔡邕。月令章句云。雷在地中。雉性精剛。故獨知之。應而鳴也。○化書云。雉不再合。信也。○山海經云。小華之山。其鳥多赤鷲。可以禦火。孟山鳥多白雉。○禽經云。雉上無尋。鷲上無常。雉上有文。鷲上有赤。○莊子云。澤雉十步一啄。百步一飲。不斲畜於樊中。○徐爰射雉賦注云。雉一界之內。要以一雄爲主。餘者雖衆。莫敢鳴。雉雊。雊異之雉。不但欲擅一場。又挾兩雌。○埤雅云。雉死耿介。如龍護疆。雖飛不越分域。南方之物。陶氏謂丙

午日不可食。明主于火也。雉飛若矢。一往而墮。雉
鷄類也。不能遠飛。崇不過丈。修不過三丈。故雉高
一丈。長三丈也。○雅翼云。雉應義氣。其鳴以頸相
勾。

按古多云。雉有十四種。今以爾雅所釋計之。鷄
雉。即江淮而南青質五采者。王后揄狄。刻繒為
其形。而采畫之。以為文章。鷄雉。即詩所云有集
維鷄者。鳴雉。雉之黃色。鳴自呼者。鷄雉。釋名云。
鷄雉之慙惡者。其耿介甚于他雉。似山鷄而小。

慙音鷄

背上黃。腹下赤。項綠色。鮮明。禮鷄冕七章之服
畫之。蓋取耿介。與王后三翟異也。秩秩海雉。如
雉而黑。在海中山上。鷄山雉。尾長者。俗呼山雞。
禽經云。首有采毛。鄭注周禮云。翟。雉名。然惟此
雉稱鷄。則簡今言右手秉翟者。此雉之羽也。韞
雉。鷄雉。郭云。今白鷄也。亦名白雉。白雉古以為
瑞。周時越裳獻之。抱朴子云。白雉有種。南越尤
多。則此韞。即越裳所獻者也。翬。即斯干所謂如
暈斯飛者。鷄鷄鷄鷄。四方雉名。除奮鷄可通諸

言各物類 卷十
二頁八五
雉。但可得十二種耳。杜預注左傳。以翟爲南方之雉。與爾雅異。予謂左傳五雉。未聞其名。畧而不說可也。

匏有苦葉篇

匏

說文云。匏。瓠也。从包。从夸。聲。包。取其可包藏物也。○古今注云。匏。瓠也。壺。蘆。瓠之無柄者。瓠有柄者。懸瓠。可以爲笙。曲沃者尤善。秋乃可用之。則漆其裏。瓢亦瓠也。瓠其總。瓢其別也。○埤雅云。長而瘦

上曰瓠。短頸大腹曰匏。傳云。匏謂之瓠。誤矣。蓋匏苦瓠耳。復有長短之殊。定非一物也。子曰。吾豈匏瓜也哉。焉能繫而不食。繫而不食。以苦故也。○國語叔向曰。苦匏不材于人。共濟而已。○陸疏云。匏。瓠也。葉小時可爲羹。又可淹煮。極美。故詩曰。幡幡瓠葉。采之烹之。今河南及楊州人恒食之。八月中堅強不可食。故云苦葉。○詩緝云。匏經霜。其葉枯落。然後乾之。腰以渡水。

按廣雅說文古今注陸機疏。通云。匏。瓠也。惟陸

農師云。長而瘦上曰瓠。短頸大腹曰匏。其兩形之別。出于農師創見。考諸書。惟瓠甘匏苦。為可明耳。然本草有苦瓠。唐本注謂之苦瓠。復非瓠中之苦者。瓠中之苦者。疑是匏矣。陸疏似以甘瓠為匏。非也。蓋瓠為摠名。甘者可食。嘉魚稱甘瓠。纍之是也。苦者佩以渡水。此詩匏有苦葉是也。入藥者名苦瓠。夏末始實。秋中方熟。取以為器。經霜乃堪。無柄者名壺蘆。七月稱八月斷壺是也。有柄者懸瓠。潘岳云。河汾之寶是也。

小者名瓢。食之勝瓠。陶貞白所言是也。細腰者名蒲蘆。淮南子云。百人抗浮是也。匏亦可通名。壺。鵬冠子云。中流失船。一壺千金。

軌

少儀云。祭左右軌。范乃飲。注云。周禮大御祭兩軌。祭軌乃飲。軌與軹。于車同謂轉頭也。軌與范聲同。謂式前也。疏。式前之軌。車旁著凡。或作範字。即詩濟盈不濡軌。亦車旁凡。與此同也。若轂末之軌。則車旁著九。此經左右軌是也。其車轍亦謂之軌。亦

封音樹

車旁著九。則考工記經途九軌。與此字同而事異也。○周禮太馭祭兩軹。祭軹注。軹謂兩鞞。軹車前式也。軹人云。軹前十尺而策半之。注。軹是軹法也。謂輿三面之材。鞞式之所封持車正也。○禮書云。車制輿在下。鞞在兩相。式在前。軹在後。較則鞞上出式也。軹則橫植于鞞者也。鞞則橫植于式者也。

已上釋式前之軹

考工記。輪人為輪。五分其轂之長。去一以為賢。去三以為軹。鄭司農云。賢大穿也。軹小穿。玄云。凡大

小穿皆謂金也。○禮書云。軹轂末也。亦謂之鞞。又謂之軌。輿人三分較圍。去一以為軹圍。三分軹圍。去一以為鞞圍。則軹又鞞之橫植者。與轂末之軹不同。此釋轂末之軹

匠人云。國中經涂九軌。注。軌謂轍廣。乘車六尺六寸。旁加七寸。凡八尺。是謂轍廣。○禮書云。車迹為轍。轍廣為軌。左傳曰。下而視其轍。此車迹也。考工記曰。經途九軌。此轍廣也。此釋車迹之軌

按軹字。从車从凡音范。在式前。毛公釋此軹云。

由輶以上爲軌是也。軌字。从車从九。音龜美反。轍廣也。朱子注云。車轍是也。轂末亦謂之軌。同龜美反。一名軛。一名韉。是轂之小穿。羅中行云。車輪廣狹高下。皆定于軌。軌同則轍迹亦同。後人因謂車轍亦曰軌。曲禮塵不出軌。以高下言。中庸車同軌。以廣狹言。蓋車輪崇六尺六寸。軌居輪中。若濡軌。則水涉三尺三寸。此謂轂末之軌也。予謂軌軛二字。書者易混。式前轂末二處。皆水可濡。孔仲達不知軛亦名軌。乃謂少儀字

誤。朱子但取軌牡叶韻。而不知軌之爲軛。遂以車轍釋之。轍迹特車行之見于地者。豈可濡乎。若詩取叶韻。當從羅氏爲長。

鴈

夏小正云。正月鴈北鄉。鄉者何也。鄉其居也。鴈以北方爲居。何以謂之爲居。生息長焉爾。九月遘鴻鴈。遘。往也。○周禮六摯。大夫執鴈。又云。落菹鴈醢。又曰。鴈宜麥。○儀禮士相見曰。下大夫相見以鴈。飾之以布。注。鴈取其知時。飛翔有行列也。○士昏

遘通同

落音管

蹠音卜

禮云。下達納。采用鴈。執鴈請問名。納吉用鴈。請期用鴈。注。用鴈為贄者。取其順陰陽往來。○周書曰。白露之日。鴻鴈來。鴻鴈不來。遠人背畔。小寒之日。鴈北鄉。鴈不北鄉。民不懷至。○爾雅云。鳧鴈醜。其足蹠。其踵企。郭璞曰。脚指間有膜。蹠屬相著。飛則脚跟企直。○春秋說題辭云。鴈之言。鴈鴈。起聖以招期。知晚蚤。故鴈南北。以陽動也。○禽經云。鵠以水言。自北而南。鴈以山言。自南而北。○春秋繁露云。凡贄。大夫用鴈。有類長者。在民上。必有先後。鴈

鴈即雁字

鳴音歌

有行列。故以為贄。○呂氏春秋云。仲秋之月。候鴈來。季秋之月。候鴈來。許慎注云。候時之鴈。從北漢中來。南過周雒。之彭蠡。八月來者。其父母也。其子羽翼穉弱。未能及之。故九月來。過周雒。○方言云。自關而西。謂鴈鳴鵠。南楚之外。謂之鶩。或謂之鶩。鳴。○古今注云。鴈自河北渡江。瘦瘠。能高飛。不畏繒繳。江南沃饒。每至還河北。體肥。不能高飛。嘗啣蘆長數寸。以防繒繳。○淮南子云。鴈從風而飛。以愛氣力。○物類相感志云。大曰鴻。小曰鴈。陽鳥也。

夜宿洲中。鴻在內。鴈在外。遂更驚避。備狐與人之捕已。○山海經云。鴈門山。鴈出其間。在高柳北。○本草衍義云。鴈得中和之氣。熱則即北。寒則即南。以就和氣。所以爲禮幣者。一取其信。二取其和。○埤雅云。鴈行斜步側身。故莊子謂士成綺。鴈行避影。而問老子。一名朱鳥。法言曰。能來能往者。朱鳥之謂與。○雅翼云。今北方有鴈。似鴻而小。秋深乃來。來則霜降。河北謂之霜信。

旦

昭音叫

淮南子云。日至於曲阿。是謂旦明。○周禮。雞人掌夜呼旦。以詔百官。

妻

胖音判

儀禮云。夫妻。胖合也。○禮記云。天子之妻曰后。諸侯曰夫人。大夫曰孺人。士曰婦人。庶人曰妻。又內則云。聘則爲妻。奔則爲妾。○白虎通云。妻者齊也。與夫齊體。自天子下至庶人。其義一也。○釋名云。夫妻。匹敵之義也。士庶人曰妻。○春秋漢合孳云。妻象大陰。臣法金位。水火交感。陰陽以設。夫婦象

也。○荀子云。天子無妻。告無匹也。

冰

說文云。冰。水堅也。○風俗通云。積水曰凌。冰壯曰凍。水流曰澌。水解曰泮。○易坤卦初六。履霜。堅冰。至。象曰。履霜。堅冰。陰始凝也。馴致其道。至堅冰也。○易通卦驗云。大雪。魚負冰。鄭玄注曰。負。上近水也。○周禮云。凌人。掌冰。十二月。令斬冰。春始治鑑。凡內外饗之。膳羞。鑑焉。凡酒漿之酒醴。亦如之。祭祀。共冰。鑑。賓客。共冰。大喪。共夷槃。夏。頒冰。掌事。○

月令云。孟冬。水始冰。地始凍。仲冬。冰益壯。地始坼。季冬。冰方盛。水澤腹堅。命取水。孟春。東風解凍。魚上冰。仲春。天子乃獻羔。開冰。先薦寢廟。○左傳。申豐云。古者。日在北陸。而藏冰。西陸朝覲。而出之。其藏冰也。深山窮谷。固陰沍寒。於是乎取之。其出之也。朝之祿位。賓食喪祭。於是乎用之。其藏之也。黑牡。秬黍。以享司寒。其出之也。桃弧棘矢。以除其災。獻羔而啓之。火出而畢賦。自命夫命婦。至于老疾。無不受冰。山人取之。縣人傳之。輿人納之。隸人藏

詩名物疏卷十
三百廿五
之。夫冰以風壯而以風出。藏之也。周用之也。徧則冬無愆陽。夏無伏陰。春無淒風。秋無苦雨。雷出不震。無災霜雹。癘疾不降。民不夭札。○韓詩說云。冰者窮谷陰氣所聚。不洩則結而爲伏陰。

友

說文云。友。愛也。同志爲友。○釋名云。友。有也。相保有也。○鄭康成云。同師曰朋。同志曰友。○禮記云。上交不諂。下交不瀆。○孝經云。士有爭友。則身不離于令名。○韓詩外傳云。知可以砥行。可爲輔弼。

者。人友也。○白虎通云。朋友之道有四。近則正之。遠則稱之。樂則思之。患則死之。

王文昌校於在茲閣

六家詩名物疏卷十終

詩名物疏

卷十

三

思



